



Direktorica: Dr med. sci. Balta Snježana, primarius

Adresa: dr. Mustafe Pintola br.1, 71210 Ilidža

Sarajevo, 09.01.2017. godine

## **Predmet: Informacija za javnost**

Rezultati mjerenja na automatskim stanicama pokazuju da je došlo do porasta koncentracije PM<sub>10</sub> na svim praćenim lokacijama. Na osnovu mjerenja i prognoze vremenskih uslova ali i stepena ugroženosti zdravlja stanovništva Prema odredbama Plana interventnih mjera u slučajevima prekomjerne zagađenosti u Kantonu Sarajevo čije izmjene i dopune je Vlada Kantona usvojila na posljednjoj sjednici, ostvareni su uslovi za proglašenje epizode "Pripravnosti". Također, u toku jučerašnjeg dana zabilježeno je prekoračenje tolerantne dnevne vrijednosti za sumpordioksid na lokalitetu automatske stanice "Otoka" ali i porast prosječnih dnevnih vrijednosti za ovaj polutant i na lokalitetu mobilne stanice Ilidža.

Izmjerene prosječne dnevne vrijednosti koncentracija PM<sub>10</sub> za 08.01.2017. iznose:

Automatska stanica –Vijećnica 84 µg/m<sup>3</sup>

Automatska mobilna stanica –Ilidža 234 µg/m<sup>3</sup>

Automatska stanica –Otoka 204 µg/m<sup>3</sup>

Automatska stanica –Bjelave 160 µg/m<sup>3</sup>.

Zabilježena su prekoračenja dnevnih tolerantnih vrijednosti za sumpor dioksid na stanici Otoka (143.9 µg/m<sup>3</sup>).

Trendovi za 09.01.2017. pokazuju daljnji rast vrijednosti koncentracija PM<sub>10</sub> ali i ostalih polutanata koji su i danas izrazito visoki sa aspekta mogućeg nepovoljnog uticaja na zdravlje građana. Koncentracije azot dioksida su ispod graničnih vrijednosti.

Preporuke za stanovništvo su da maksimalno smanje kretanje i izlaganje na što je moguće manju mjeru za ovaj period povišenih koncentracija u toku čitavog dana. Preporuke se naročito odnose na trudnice, starije osobe, djecu predškolskog uzrasta i hronične bolesnike. **Napominjemo da, nije preporučljivo ni u kom slučaju izlaganje u uslovima ekstremno niskih temperatura i visokih koncentracija sumpordioksida i lebdećih čestica koje u zajedničkom djelovanju mogu ostaviti značajnije negativne posljedice na zdravlje.**

**Apelujemo na građane da svojim odgovornim ponašanjem učine maksimum da zaštite svoje i zdravlje svih građana Kantona Sarajevo jer je moguć daljnji rast zagađenja zraka u narednih nekoliko dana.**

Detaljne preporuke za stanovništvo nalaze se objavljene na web stranici J.U. Zavod za javno zdravstvo KS ([www.zzjzks.ba](http://www.zzjzks.ba)).

Izmjerene vrijednosti praćenih polutanata kao i najnovija obavještenja vezana za kvalitet zraka se mogu pratiti na stranici <http://kvalitetzraka.ba/>.

J.U. Zavod za javno zdravstvo Kantona Sarajevo će nastaviti kontinuirano vršiti mjerenja i obavještavati građane o svim eventualnim promjenama.



Sarajevo, 09.01. 2017. godine

**J.U. ZAVOD ZA JAVNO ZDRAVSTVO  
KANTONA SARAJEVO**